



28. dec. 2016

Inatsisartuni suleriaasianni § 37 naapertorlugu Naalakkersuisunut imaattumik apeqquteqarpugut.

### **Naalakkersuisunut apeqqutit:**

**Umiarsuit nunatsinnut tikittartut sarfamik ikkussuiffissaannik ikkuffeqalernissaannik naalakkersuisut pilersaaruteqarpat?**

**Naatsortsorneqarnikuua qanoq umiarsuit tikittartut silaannarmut talittarfimmiinnermini mingutsitsisarnerat?**

**Uulia kinertoq saligaanngitsoq silaannarmut qanoq mingutsitsineruva salinneqarsimasumiit?**

**Turistit umiarsuaat uuliamik kinertumik atuisut qassit tikittarpat?**

**Tamakku qanoq piumaffigineqartarpat atuinerat pillugu?**

**Nunatsinni kikkut umiarsuaateqarpat uuliami kinertumik atuisuusunik?**

**Taarsernissaannik pilersaarusiortoqarpa?**

**Atortuutilernissaanilluunniit (filterit nutaalit)? Qaqugu tamanna pissamaarpa?**

**Qanoq aningaasatigut naleqassua? Kikkut akilissuaat?**

**Innuttaasunut akimikkut sunniuteqassava?**

**Uuliamik kinertumik nunatsinni toqqorsivissamik pilersaaruteqartoqarpa?**

**Taamaattoqassappat qaqugu sumilu tamanna suliarineqarumaarpa?**

**(Inatsisartuni ilaasortaq, Mala Høy Kuko, Atassut)**

### **Tunngavilersuut:**

Nunatta imartaani umiarsuit amerlasuut ingerlaartarput. Nunamiut allat angallataat turistinik ilaasortaait amerliartortuupput nunatsinnut tikittartut. Silaannaap kissatsikkiartornera tamatsinnut assigiinngitsutigut malugiartuinnarparput. Nunat allat uuliamik kinertumik atuinerujussuup killilersimaarniarlugu inatsisitigut suliniuteqarfiginiarsarisarpaat. Taamaammat paaserusunnarpoq nunatsinni Naalakkersuisut arlaatigut iliussissanik pilersaaruteqarnersut uulia kinertoq pinaveersaarniarlugu.

Kissaatigaara apeqqutikka suleriaaserput malillugu ullut qulit iluanni akineqarumaartut.